

Lider fraccion di AVP, sr Marlon Sneek

"PABIEN NA DIRECTIVA NOBO DI FUNDACION DIGNA LACLE HERRERA"

Cu programa di 'level up'



PARLAMENTAR-IO Marlon Sneek den number di fraccion di AVP, ta manda palabra di pabien na Fundacion Digna Lacle Herrera, cu diamars ultimo a instala un team nobo cu ta bay dirigi e fundacion aki pa hiba e fundacion aki n'e siguiente nivel.

Mescos cu e slogan cu e fundacion ta uza di 'level up' e team nobo aki lo haci e trabou di 'level up' manera ya caba AVP ta conoci p'esaki.

Fundacion Digna Lacle Herrera ta un fundacion di formacion di Partido di Pueblo Arubiano y poco t'e partidonan aki riba nos isla y sigur den Reino, si nos mira nos islanan bisiña manera Corsou y Sint Maarten, poco t'e partidonan cu tin un fundacion asina cu ta encarga su mes den formacion di su candidatonan y den formacion y educacion di pueblo en general.

Na number di fraccion di AVP, lider di fraccion sr. Marlon Sneek, ta manda palabra di pabien na sr. Raycondo Nascimento, kende ta Presidente di e fundacion y sigur

palabranan di pabien y hopi, pero hopi forsa y hopi curashi pa cada un di e miembronan di e fundacion aki, esta sra. Esther Gomes, sres. James Sneek, Tyson Lopez, Maurits Malmberg, Carlyle de Couteau y tambe sra. Gerlien Croes, kendenan a asumi e responsabilidad aki.

Nos por bisa c'un biaha mas nos un team cu ta consisti di profesionalnan manera e.o. drs. Do Nascimento, kende a caba di promove como doctor, sra. Gomes kende termina su estudio como hurista – abogado, sra. Croes tambe, sr. Sneek kende ta criminoloog, y tambe nos a tuma nota di Carlyle de Couteau, kende ta Director y Hefe di e Departamento di Directie Scheepvaart, sr. Tyson Lopez, kende tambe ta un hoben bon prepara.

Nos ta desea nan un biaha mas hopi exito y nos ta spera como fraccion di AVP p'e cursonan pa nos miembronan tambe sigui desaroya nos mes como fraccion di AVP pa di e forma aki nos sigui aporta na nos comunidad.

Nos ta den rumbo pa eleccion y ta importante pa Partido di Pueblo Arubiano y candidatonan

nobo cu ta acercando partido kendenan lo bay asumi responsabilidad pronto, tambe ta bon pre-

para riba e nivel ey cu nos ta custumbra di dje y cu Fundacion Digna Lacle Herrera ta conoci pe."